

# فيديو ٣٤٩ من مقاطع حظر التجول تدبر سورة الأنعام - الحلقة

## ٠٣ الآيات ٨١١-١٢١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعمية ثلاثة واربعين من مقاطع حظر التجول والحلقة الثلاثون من حلقات تدبر سورة الانعام اقرا معي الايات من مية وتمنتاشر الى مية واحد وعشرين - [00:00:01](#)

اعوذ بالله السميع العليم من الشيطان الرجيم فكلوا مما ذكر اسم الله عليه ان كنتم باياته مؤمنين وما لكم الا تأكلوا مما ذكر اسم الله عليه وقد فصل لكم ما حرم عليكم - [00:00:27](#)

وقد فصل لكم ما حرم عليكم الا ما اضطررتم اليه وان كثيرا ليضلون باهوائهم بغير علم ان ربك هو اعلم بالمعتدين وذروا ظاهر الاثم وباطنه. ان الذين يكسبون الاثم سيجزون بما كانوا - [00:00:54](#)

يقتربون ولا تأكلوا مما لم يذكر اسم الله عليه وانه لفسق. وان ان الشياطين ليوحون الى اوليائهم وان الشياطين ليوحون الى اوليائهم ليجادلوكم. وان اطعتمو المشركين عبدة الاصنام عاملين انفسهم علماء وعملوا للدين بتاعهم فقه - [00:01:26](#)

وعملوا حلال وعملوا حرام وعملوا احكام لم ينزل الله بها من سلطان حرما البحيرة والسائبة والهامي والوصيل. وشرحنا الحاجات دي قبل كده قلنا البحيرة خلفت خمس بطون في خامس بطن جابت ذكر - [00:02:14](#)

تسمى بحيرة. البحر هو الشق فيبيبحروا اذننا بشؤودنا عشان تبقى علامة. فما حدش يركبها ولا يدبحها ولا يحلبها وتحلب فقط لضيوف الطواغيت يعني الناس اللي جايين يحجوا لزيارة صنم قلنا الطاغوت هو الصنم - [00:02:35](#)

يشربوا دول بقى من لبن البحيرة واذا ماتت يأكل لحمها الرجال وتحرم على النساء وتؤكل ميتة. ما هي ممنوع دبحها السائبة هي الناقة التي خالد عشر بطون عشر ابطن كلها اناث - [00:03:00](#)

تسمى سائبة زي البحيرة كده لا يجوز دبحها ولا حلبها الا لسدنة الطاغوت. يعني سدنة الصنم. يعني الشيوخ المسؤولين عن هذا الصنم شيوخ السلطان ده شيوخ الصنم ده الوصيلة شا - [00:03:23](#)

ولدت سبع ابطن. اناث كلها عبارة عن شا خروف انثى طبعاً او ايه انثى الخروف يعني ولدت سبع بطون كلها كانت اناث برضو ما ندبحوهاش. الحام جمل ذكر آآ نتج عنه عشرة ابطن يعني لقح عشرة اناث او انثى عشر مرات. فيسمى حام - [00:03:44](#)

يعني حمى ظهره لا يركب لا يمنع من الرعي في اي مرعى ما حدش يقدر يوقفه من دخول ارضه. يخش ياكل اي في حاجة هو عايزها لا يذبح طيب الفكرة هم رفضوا الدين الاسلامي - [00:04:12](#)

ورفضوا انهم يتبعوا تعاليم ربنا ليس تحررا من الدين طب ما هو عملوا دين اهو وعملوا حلال وحرام هم هم رفضوا الدين الاسلامي ورفضوا تعاليم ربنا عناد ومكابرة والدليل ان هم راحوا عملوا اخترعوا دين واخترعوا حلال وحرام لنفسمهم - [00:04:29](#)

ومشيوا على حاله وحرامه زي بالزبط النهاردة اللي بيغيروا شكل الاسرة اللي ربنا خلقها بدل ما يبقى فيه زوج وزوجة او اب وام وربنا يرزقهم او لا يرزقهم اطفال بقى فيه زوج وزوجة وزوجة - [00:04:52](#)

يعني النهاردة في المدارس في الغرب بيعلموا الاطفال ما فيش حاجة اسمها فاطر ومطر. لأ في حاجة اسمها بيرانت وان وبيران تو عشان في ناس عندهم اتنين فاضلز وناس عندهم اتنين مادورز - [00:05:10](#)

بيغيروا خلق ربنا. بيغيروا بيعملوا نظام جديد غير نظام ربنا. ما بقاش فيه حاجة اسمها ذكر وانثى النهاردة لا اوه الكلام ده كان زمان

النهاردة بقى فيه جاي ولاسبيان وبايناري ونان بايناري وساك شول وايساكشوال - 00:05:26

ناس بتعمل نزام تاني لحياة غير اللي ربنا شرعها. لذلك ربنا قال الاية مية واربعناشر اللي تدبرناها امبارح لو تفتكروا افغير الله ابتغي حكما وهو الذي انزل اليكم الكتاب مفصلا - 00:05:44

لا نستقي شريعتنا ولا قوانيننا من غير الله ابدًا طيب سؤال بقى هل شرع الله كافي اقرا الاية اللي بعدها. وتمت كلمة ربك صدقا وعدلا لا مبدل لكلماته وهو السميع العليم - 00:06:07

خلاص كلمات ربنا تمت كلمة الله تمت شرع ربنا تم ما فيش حاجة تبدل شرع ربنا هو السميع هو العليم اعلم بما تحتاجون طيب ما هو فيه ملايين من البشر بل مليارات البشر عندهم تشريعات وعندهم قوانين تانية تخالف شرع الله - 00:06:31

معقول هم اللي هيطلعوا غلط. واحنا اللي هنطلع صح واحنا قلة اقرا مية وستاشر وان تطع اكثر من في الارض يضلوك عن سبيل الله. عندهم تشريعاتهم دي ضلال تضلل الانسان عن سبيل الله. ايوه - 00:06:55

كثرة لا تعني انها على الحق اسمع كلام ربنا. لان ربنا فقط هو الذي يعلم مين عاوز يهدي ويخدم ومين عاوز يضلل ويضر اقرا مية وسبعناشر ان ربك هو اعلم من يضل عن سبيله وهو اعلم بالمهتدين - 00:07:15

ولي قراءة ومن يضل عن سبيله كمان بناء على ذلك بناء على كل ما سبق فكلوا مما ذكر اسم الله عليه ان كنتم باياته مؤمنين. كده نبدأ اول اية من ايات تدبر الليلة - 00:07:43

بناء على كل اللي سبق ده بقى اسمها الفلزكة. يعني وبناء على ذلك فكلوا مما ذكر اسم الله عليه. ان كنتم باياته مؤمنين لان المشركين حبوا يعملوا نفسهم مفكرين وفلاسفة - 00:08:02

والفلاسفة بيستفيدوا منهم فبيتكلموا بالمنطق فراخوا قالوا للنبي عليه الصلاة والسلام ايه ؟ بصوا قالوا له ايه تزعم ان ما قتلت انت واصحابك وما قتل الكلب والصقر حلال اكله. وان ما قتل الله حرام - 00:08:21

يعني انت بتدعي ان اللحم الحلال هو اللي انت بتقتله انت واصحابك اللي امنوا بك والذبح ده قتل فانت لما تذبح واصحابك يذبحوا حلال. انت بتدعي كده. واللي قتله الكلب والصقر اللي انتم مدبرينه - 00:08:44

حلال لكن اللي ربنا قتله ده اللي حرام يقصدوا الميتة الميتة اللي لحماها حرام عندنا فقال لك الميتة اهو الميتة عبارة عن ايه ؟ حيوان مات موة طبيعية بنسميها موة موة بتاعة ربنا حتى العوام بيقلولوا موة بتاعة ربنا. العرب تقول مات حتفا - 00:09:00

يعني ما فيش حد قتله هو مات لوحده مات دون تدخل من احد فازاي وازاي بقى يبقى اللي قتله الانسان حلال واللي قتله ربنا هو اللي حرام؟ طبعًا هم مش فاهمين الفرق بين الموت والقتل - 00:09:25

سبحان الله! سورة ال عمران بالزات ذكر فيها الموت والقتل عدة مرات وكأنها تؤكد ان الموت شيء والقتل شيء اخر ال عمران مية اربعة واربعين مسلا وما محمد الا رسول قد خلت من قبله الرسل افان مات او قتل انقلبتم على اعقابكم - 00:09:43

يبقى الموت غير القتل هل اقدر اقول آآ يعني اذا الواحد نام او نام لا او تفيد المغايرة لازم اللي بعدها غير اللي قبلها افان مات او قتل يبقى قتل غير مات - 00:10:09

خد عندك ال عمران مية ستة وخمسين يا ايها الذين امنوا لا تكونوا كالذين كفروا وقالوا لاخوانهم اذا ضربوا في الارض او كانوا غزا لو كانوا عندنا ما ماتوا وما قتلوا. يبقى القتل غير الموت - 00:10:29

ايضا ال عمران مية ثمانية وخمسين ولئن متم او قتلتم لالى الله تحشرون طيب اولًا لازم نفهم لا احد يستطيع ان يميت الا الله ما حدش يقدر يموت الا الله - 00:10:47

الموت هو خروج الروح من الجسد فلو انسان قتل انسان او قتل حيوان لا يملك انه يميته وبيهدم الالة اللي هي الجسد بيجرح الالة بيهدم الالة بيقطع راس اما الله سبحانه وتعالى فهو يميت دون ان يهدم الالام - 00:11:14

انسان يدخل ينام ما يصحاش ونايم كويس وبيضحك مع ولاده مع مراته ما يصحاش خلاص ربنا بيميته مش بيقته بيميتوا دي لا احد يستطيع انه يعملها ابدًا الا الله. هل يستطيع اي انسان في الدنيا اي طاغية مهما كان قوته - 00:11:36

انه يميمت حد من غير ما يجرح الالم من غير ما ما يهدم الالم ما يقدرش فربنا امرنا اننا نهدم الالة بتاعة الحيوان اللي هو خلقه من اجل هذه المهمة انه يبقي طعام لنا - [00:11:58](#)

ما حدش يفتكر انه بيعمل خير في الحيوانات لانه بقى فيجيتريان وبببمتنع عن اكلها انت من حقه تبقى في انت حر لكن اوعى تفتكر انك بتعمل خير في الحيوانات ابدأ - [00:12:16](#)

يقول لك اصل الحيوان من حقه يعيش لغاية ما يكبر ويعجز ويموت. الكلام ده مش صحيح اللي بيعمل كده بيضيع الفائدة اللي ربنا خلق من اجلها هذا الحيوان وبناء عليه لهذا الحيوان لم يؤدي دوره في الحياة - [00:12:31](#)  
ربنا امرنا باننا نأكل حيوانات معينة. الحيوانات دي نباتية لا نأكل كل ذي ناب. لان الحيوان اللي عنده ناب بيبقى مفترس بياكل لحوم. السباع الكلاب دي بتاكل لحوم. لا يجوز نأكل الحيوان - [00:12:48](#)

كل لحوم الانعام اللي ربنا امرنا بذبحها حيوانات نباتية تأكل النباتات زي الضأن الضاني الخرفان البقر الدجاج كل هذا كله ليأكل نباتات وامرنا اننا نذبحها بطريقة معينة. وذكرناها قبل كده في شرح آ آ اية سورة المائدة. اللي هي الا ما ذكيتم - [00:13:06](#)  
وقلنا الذكاة الشرعية وقطع الحلقوم والمريء والودجين بدون فصل الرأس يعني العمود الفقري او الفقري ده اللي هو سلسلة الظهر المفروض لا تنكسر ما تنكسرش هذا ارحم للحيوان وافضل للانسان لانه بيخرج الدم كله من الجسد - [00:13:32](#)  
اقرا بقى معي مية وتمتناشر فكلوا مما ذكر اسم الله عليه ان كنتم باياته مؤمنين ياه للدرجة دي الموضوع بتاع الذبح ده مهم للدرجة دي له علاقة بالايمان ان كنتم باياته مؤمنين - [00:13:59](#)

هو ده يا جماعة يعني الموضوع انتم مش حاسين ان فيه يعني فيه شيء من الطبخ الواحد ممكن يشعر ان فيه تضخيم شوية في الموضوع ده يعني اكل ايه علاقة الاكل بالايمان؟ فكلوا مما ذكر اسم الله عليه ان كنتم مؤمنين - [00:14:26](#)  
ربنا امرنا اننا نسمي الله عند الذبح يعني خلي بالك من حاجة. انت بتقتل انت لما بتسبح انت بتقتل بتزهق روح لازم تذكر نفسك انك تفعل هذا باذن الله فلازم تقول بسم الله - [00:14:40](#)  
انا افعل هذا باذن من الله فحتى والانسان يمارس قدرته على حيوان اعجم لا يتكلم ويزهق روحه بسكين يذكر نفسه انه ضعيف وان القوي هو الله. وان الله هو الذي اذن له بهذا - [00:14:59](#)

وانه لا يستطيع ان يذبح هذا الحيوان للعب او للضحك لازم يكون للاكل. وانه لا يستطيع ان يذبح حيوان اخر زي الخنزير. لان الله لم يأذن له بهذا فكلوا مما ذكر اسم الله عليه ان كنتم باياته مؤمنين. كمل وما لكم - [00:15:22](#)  
وما لكم الا تأكلوا مما ذكر اسم الله عليه وقد فصل لكم ما حرم عليكم. الا ما اضطررتم اليه وان كثيرا لا يضل ليضلون باهوائهم بغير علم. ان ربك هو اعلم بالمعتدين - [00:15:49](#)

انتم ازاى ما تاكلوش من الذبائح اللي ذكر اسم الله عليها بعد ما ربنا فسر لكم بالتفصيل المحرمات وعرفتم انكم ما ينفعش تأكلوا الميتة ولا الدم ولا الخنزير ازاى بعد كل ده ما تكلوش - [00:16:07](#)  
من اللي ربنا اجازه بتقول لي بس اية سورة المائدة اللي بتذكر المحرمات دي نزلت في المدينة لان العلماء متفقين ان المائدة مش بس نزلت في المدينة دي من اواخر السور نزولا - [00:16:27](#)

العلماء متفقين ان المائدة من اواخر السور نزولا والانعام اللي بنقراه دلوقتي دي العلماء متفقين انها نزلت في في الفترة الاولى آ من الفترة المكية يعني بينهم خمستاشر سنة مسلا على الاقل - [00:16:46](#)  
طب ليه ربنا بيقول في الاية مية وتسعتاشر وقد فصل لكم ما حرم عليكم الا ما اضطررتم اليه يعني الاية بتاعة المائدة الاية ثلاثة دي نزلت بعدها بخمستاشر سنة. اللي هي حرمت عليكم الميتة والدم ولحم الخنزير وما اهل لغير الله به. والمنخنقة والموقوذة والمتردة - [00:17:09](#)

النطيحة وما اكل السبع الا ما ذكيتم وما ذبح على النصب وانت تستقسم بالالزام ذلكم ثم الاية استثنت حالات الاضطرار. يعني لو الانسان اضطر ممكن يأكل من هذه المحرمات عشان ينقذ حياته - [00:17:33](#)

لو اتزنق في الصحرا او في اي حاجة وما كانش عنده طعام غير الميتة او الخنزير ياكل الاية قالت الاية ثلاثة في المائدة فمن اضطر في مخمصة غير متجانف لاثم فان الله غفور رحيم. بس فعلا - [00:17:56](#)

الاية دي نزلت بعد اية الانعام حوالي خمستاشر سنة او اكثر ازاى ربنا يقول الاية مية وتسعتاشر وما لكم الا تأكلوا مما ذكر اسم الله عليه. وقد فصل لكم ما حرم عليكم - [00:18:13](#)

مش غريبة شوية هو اللي يقول كده قل له لأ سورة الانعام ذكر فيها بعض المحرمات في اخر السورة في الاية مية خمسة واربعين في نفس هذه السورة هناك ايضا محرمات مذكورة - [00:18:36](#)

قل لا اجد فيما اوحى الي محرما على طاعمي يطعمه الا ان يكون ميتة او دما مسفوحا او اعمى خنزير فانه رجس او فسقا اهل لغير الله به ثمانية برضه مع حكم الاضرار استثناء الاضرار موجود. فمن اضطر غير باغ ولا عاد فان ربك غفور رحيم - [00:18:54](#)

تمام؟ يبقى اذا التفصيل موجود في الانعام نفسها. يعني من اول ما بدأت الدعوة وتفصيل الاكل الحلال والحرام موجود دي مسألة ما ينفعشي تنتز مية وتسعتاشر معي ثاني وما لكم الا تأكلوا مما ذكر اسم الله عليه وقد فصل لكم ما حرم عليكم - [00:19:20](#)

الا ما اضطررتم اليه وان كثيرا ليضلون باهوائهم بغير علم. ان ربك هو اعلم بالمعتدين في ناس بتحاول تضليلكم بدون اي اساس من العلم بيحاولوا يقنعوكم ان الميتة والمنخقة والموقوذة والمتردية ما فيش فيها مشكلة لان ربنا هو اللي قتلها - [00:19:47](#)

وطالما بناكل ما نذبح احنا فليه ما ناكلش ما قتل الله وفي نفس الوقت عاوزينكم انتم بقى تتوقفوا عن اكل البحيرة والسائبة والوصيلة والحام يبقى المسألة مسألة ايه ؟ نزاع على الحكم - [00:20:12](#)

في اعتداء على حق الله في التشريع مسألة مش مسألة آآ جهل لأ. ان ربك هو اعلم بالمعتدين. دول معتدين. يعتدون على حق في التشريع سيبكم بقى من التفاصيل وايه اللي يؤكل وايه اللي لا يؤكل المسألة خطورتها - [00:20:32](#)

انت هتتبع كلام مين هو ده الخطورة اقرا مية وعشرين وذروا ظاهر الاثم وباطنة. ان الذين يكسبون الاثم سيجزون بما كانوا يقترفون ربنا بيأمر المؤمنين يترك الذنوب الظاهرة والذنوب الباطنة - [00:20:55](#)

يعني ايه؟ لها معنيين الذنوب الظاهرة يعني التي يجاهر بها واحد طالع بيشرب خمرة في الخمار او قدام الناس ده ظاهر الاثم الباطنة هي الذنوب التي تتم في السر بعيدا عن اعين الناس. بيشرب في بيته ومن ورا الناس ما فيش حد يعرف خالص. ذنب باطن - [00:21:20](#)

بس فيه تفسير اخر ظاهر الاثم. يعني الذنب الذي يؤتى بالجوارح يد تسرق ده ظاهر الاثم لسان يكذب ظواهر الاثم باطن الاثم هو ذنوب النفس. هي الشهوات التي ادت الى ظاهر الاثم - [00:21:43](#)

شهوة حب المال. شهوة الطمع. ادت الى ان اليد تسرق يبقى باطن الاثم هو الشهوة التي ادت الى العمل الى ظاهر الاثم حلوة دي شهوة الكبر والعشب والرغبة في الظهور بمظهر المتميز ادت ان اللسان يكذب - [00:22:05](#)

بيقول لك ده انا مرتبي خمسين الف جنيه في الشهر ومرتبته خمس تلاف بس بس هو عايز يتمنظر. علي بيه منظر. فايه يتمنظر شهوة الكبر والعشب والرغبة في الظهور بمظهر المتميز تؤدي دي دي آآ باطن الاثم. لانها شهوة داخل الانسان - [00:22:29](#)

ادت الى ظاهر الاثم هو ان اللسان يكذب اللي بيعملوا كده دول ربنا سيعاقبهم بالاثم اللي كسبوه وقلنا الكسب يشمل الافعال والاقوال والنيات. يعني باطن الاثم كمل كده. ان الذين يكسبون الاثم سيجزون بما كانوا يقترفون - [00:22:50](#)

مية واحد وعشرين ولا تأكلوا مما لم يذكر اسم الله عليه وانه لفسق. وان الشياطين ليوحون الى اوليائهم تجادلوكم وان اطعتموهم انكم لمشركون قال العلماء المقصود به ما لم يذكر اسم الله عليه الميتة - [00:23:16](#)

قال اخرون لا اي حاجة ذبحت ولم يذكر اسم الله عليها والاية دي منسوخة باية المائدة خمسة اللي هي اليوم احل لكم الطيبات وطعام الذين اتوا الكتاب حل لكم. لان اليهود والنصارى قد يذبحوا دون ان يذكر اسم الله - [00:23:42](#)

اسم الله فالاية مية واحد وعشرين اللي بتقول ولا تأكلوا مما لم يذكر اسم الله عليه لو معناها ان ما تاكلوش من الماء لم يذكر اسم الله عليه. يبقى معناها يبقى دي ممسوخة باية المائدة. لكن - [00:24:05](#)

معظم العلماء ان معناها لا تأكلوا الميت. الميت لا يذكر اسم الله عليه. حيوان يموت. ما حدث سمي عليه اه طبعاً برضه ما دام اتكلمنا  
بقى في موضوع اهل الكتاب - [00:24:26](#)

احنا ممكن نأكل ذبائح اهل الكتاب بشرط تكون مذبوحة من النهاردة في كثير من البلاد اهل الكتاب بقوا متساهلين جداً. في مسألة الذبح وبقى ممكن يقبلوا ان حيوان يموت قبل ما يذبح - [00:24:43](#)

بنعمل ايه بقى بنشوف شروط المجازر والمسالخ في البلد دي لو وجدنا ان الحيوان بيذبح حيا يجوز اكل اللحم وذكر وذكر اسم الله عند الاكل وده مذهب الشافعي لان شرطه هو ان لا يكون الحيوان مذبوح لالهة اخرى. فلو لم يذكر اسم الله عليه - [00:24:59](#)

في بلد نصرانية او يهودية. ما لناش دعوة بقى بمين اللي دابح بالزبط. مش مهم لكن الاغلبية يهود او نصارى وشروط المسالخ والمجازر انها بتذبح قبل يعني الحيوان لا يموت قبل الذبح. اذا يجوز ان احنا نسمي قبل ان نأكل - [00:25:29](#)

فهو ما افتى به النبي صلى الله عليه وسلم لما سئل هذا السؤال قالوا له يعني تأتي اللحوم لا نعرف هي تم التسمية عليها ولا لا قال سموا الله ثم كلوا. طيب هل المسلم - [00:25:49](#)

لازم يسمى جهرا السنة ان يسمى جهرا. النبي صلى الله عليه وسلم كان يقول بسم الله الله اكبر ويذبح لكن لو سمي سرا هل دي تعتبر ذكر لله ولا لا - [00:26:04](#)

اختلفوا فيها لكن اه من العلماء من قال التسمية في السر جائزة. والدليل قول الله تعالى في الحديث القدسي من ذكرني في نفسه ذكرته في نفسي. اذا الذكر وارد في النفس في السر - [00:26:22](#)

ايضا طيب اعمل ايه ؟ لو انا شفت ان كلام المشركين ده صح. وان فعلاً منطقي جداً ان طالما انا باكل اللي بدبحه ابقى اقتله بنفسي ان انا ايضاً اكل الميتة لان ربنا هو اللي امتهأ - [00:26:42](#)

لو انت اقتنعت بالهبل ده وقطعتهم ببقى حضرتك مشرك. خلص الموضوع يجب فسخ عقد جوازك فوراً. وازا مت لا يصلى عليك ولا تدفن في مدافن المسلمين. الله! الاية واضحة. ولا تأكلوا مما لم يذكر - [00:27:00](#)

اسم الله عليه وانه لفسق. وان الشياطين ليوحون الى اوليائهم ليجادلوكم دول شوية شياطين جن وشياطين انس. بيوحوا لبعض زخرف القول غرورا. بيجملوا الكلام فيزهر انه منطقي جداً علمي جداً عشان يخدعوكم ويغروا بكم. طيب - [00:27:18](#)

لو قطعتموهم وان اطعتموهم انكم لمشركون مش مشركون لأ ده لام التوكيد انكم لمشركون اللي هيطيع المشركين هيبقى منهم خلاص احنا شرحنا لك وفهمناك الفرق بين القتل والاماتة. والموضوع في الآخر يعود لمعنى كلمة اسلام - [00:27:43](#)

انت بتستسلم لاوامر الله ولا هتتفلسف. ربنا حرم شجرة واحدة على قدم وحواء في الجنة عشان يبقى فيه شريعة ولو ولو شريعة صغيرة فيها حاجة واحدة بس حرام - [00:28:08](#)

لكن عشان يختبر بها مدى اسلامهم. يعني استسلامهم لاوامر الله ولما عصوا الله يا استاز هم كانوا كل الناس ده معناه ان كل الناس عصت الله المعصية لم تتغير وتبقى حلال. فضلت حرام - [00:28:24](#)

باكولنا شف ربنا قال ايه في سورة الاعراف سورة الاعراف المهم من حيث شئتما. كل حاجة حلال في الجنة. الا حاجة واحدة. ولا تقربا هذه الشجرة فتكون من الظالمين. الشجرة دي بس - [00:28:44](#)

مش اكثر دي بس ما تاكلوش منها. مش لانها مضره صحيا. مش لانها بتجيب دودة في البطن. مش لانها اي حاجة بس ما تاكلوش منها وخلاص اختبار اختبار للطاعة نفس الكلام. الخنزير حرام - [00:29:14](#)

امال ايه اللي حلال ؟ ايه الحمام والبط والوزاني والكندوز كل ده حلال ليه ؟ اختبار للطاعة ميتة حرام منخنة حرام موقودة حرام ده كلام سواء بقى فهمتم الحكمة من تحريم الحاجات دي او ما فهمتوش - [00:29:35](#)

حرام ربنا بيبختبر اسلامك المسألة في النهاية تعبدية مش موضوع بقى اكل ومنيو لا لا لأ المهم انت هتتبع مين ده المقصود ده المقصود اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله - [00:29:55](#)

قوة لنا فيما تحب. وما زويت عنا مما نحب فاجعله فراغا لنا فيما تحب اللهم اجعل حبك احب الينا من اهلينا واموالنا ومن الماء البارد

على الظمأ اللهم حبيبنا اليك والى ملائكتك وانبيائك ورسلك. وعبادك الصالحين - [00:30:23](#)  
واجعلنا ممن يحبك ويحب ملائكتك وانبيائك ورسلك. وعبادك الصالحين. اللهم احي قلوبنا واجعلنا لك كما تحب. اللهم اجعلنا نحبك  
بكل قلوبنا ونرضيك بكل اجسادنا. الله اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا ونور -  
[00:30:49](#)

صدورنا وجلء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في حسناتي وحسناتكم  
جميعا اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل - [00:31:19](#)  
كل حرف في كتابك تلوناه او تدبرناه اكفنا واهلينا واخواننا واخواتنا شر كل من يكيد لنا ولهم. واحفظنا لهم من شرورهم ونجعلك  
اللهم في نحورهم فانت الوكيل ولا حول ولا قوة الا بك - [00:31:43](#)  
اللهم بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين. الله ثم سد رميهم وخيب رمي  
عدوهم وتقبل شهدائهم وكن مع اخواننا في تركستان الشرقية وفي الشام وفي كشميرا وفي الهند. وانصر من نصرهم واخوا -  
[00:32:03](#)

دول من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه اللهم انك تعلم ان هذه القلوب  
قد اجتمعت على كتابك وعلى محبتك - [00:32:23](#)  
والتقت يا ربنا على طاعتك وتوحدت على دعوتك وتعاهدت على نصره شريعتك. فوثق اللهم رابطتها وادي مدها واهدها سبلها.  
واملاها بنورك الذي لا يخبو. واشرح صدورنا بفيض الايمان بك وجميل التوكل عليك - [00:32:39](#)  
واحياها يا ربنا بمعرفتك وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على سيدنا محمد  
وعلى اله وصحبه ومن تبع هداة. والسلام عليكم ورحمة الله - [00:32:59](#)  
ونراكم غدا باذن الله في نفس هذا الموعد ان كنا من اهل الدنيا - [00:33:16](#)